

apud Lucam τελεθῆσαι πάντα (c. XII, 31: confer XXIV, 44.). Et ecce! τετέλεσαι (Job. XIX, 30.) πάντα ὧν ἤρξατο ὁ Ἰησὺς ποιῆν τε καὶ διδάσκειν (Actor. I, 1.). Consummata jam sunt omnia vaticinia, omnes tyri, consummata est tyrannis hostium, mensura passionum, divinum decretum, temporale ministerium, redemptionisq; nostræ mysterium. O absolutissimum Arithmeticum! abeat Moyses, qui numerabat populum in deserto Arabico, faceat Joab, qui numerum iniit ex regio mandato. Illi numerabant ad cladem & bellum, Christus ad victoriam & triumphum.

Septima est ars omnium beatissima, quia cœlum spectat & astra, lucem & splendorem, corpora spherica & exinde perfectissima. Ita Salvator noster Crucifixus septimo suō apophthegmate, aureo illo & cœlestissimo, cœlum spectat, non physicum, sed majesticum, Pater, inquit, in manus Tuas commendo Spiritum meum. Ubi estis linguæ eloquentium, ut dignè describamus hoc gaudium, quod nec oculus vidit (sed videbit) nec auris audivit (sed audiet) nec in ullius hominis cor atq; mentem descendit (sed descendet). Ideoq; heic lingua & charta deficit.

Ceterum πρωτόρῳτον ῥῆσιν seu πρωτογέννημα ex hisce septem Apophthegmatibus divinis,

Pater dimitte illis, non sciunt, quid faciant,

filo Græco pertexuit, illudq; memoriter coram Vobis, Honoratissimi Domini Auditores, recitabit DANIEL CHRISTOPHORUS Rômer Wittenbergensis Saxo, cujus industriæ extimulandæ, simulq; honori Plur. Reverendi Dn. Parentis Ecclesiastæ nostri fidelissimi aliquam temporis usuram concedetis: addet quoq; versio-

nam Latinam hexametron Psalmi XXCIVti JOHANNES ABRAHAM Borisch Senftenbergensis Misnicus, cujus tirocinium

perinde ad majora magnorum virorum favore fuerit evehendum.

